

# ԻՇԽԱՆՈՒԹԻՒՆ-ԺՈՂՈՎՈՒՐԴ ԿՈՐՍՈՒԱԾ ՎՍՏԱՀՈՒԹԻՒՆԸ

Posted on May 7, 2018 by Keghart



Category: [Opinions](#)



### **Պարոյր Յ. Աղապաշեան, Պէյրուզ, 6 Մարտ 2018**

**Այս յօդուածը պատրաստուած էր նախքան հայրենական իրադարձութիւնները, ինչ որ ակելի կը բնորոշէ անոր այժմեականութիւնն ու թափանցիկութիւնը:- *Խմբ.***



Մարդկային յարաբերութիւններու մէջ, իրարու նկատմամբ *վստահութիւնը* կը հանդիսանայ հիմնական գործօն մը:

Ընկերային կեանքին մէջ, իրարու նկատմամբ վստահութիւնը բացարձակ անհրաժեշտութիւն մըն է:

### **Պարոյր Յ. Աղապաշեան, Պէյրուզ, 6 Մարտ 2018**

**Այս յօդուածը պատրաստուած էր նախքան հայրենական իրադարձութիւնները, ինչ որ ակելի կը բնորոշէ անոր այժմեականութիւնն ու թափանցիկութիւնը:- *Խմբ.***



Մարդկային յարաբերութիւններու մէջ, իրարու նկատմամբ *վստահութիւնը* կը հանդիսանայ հիմնական գործօն մը:

Ընկերային կեանքին մէջ, իրարու նկատմամբ վստահութիւնը բացարձակ անհրաժեշտութիւն մըն է:

Պետութիւններու միջեւ, իրարու նկատմամբ *վստահութիւնը* միայն բարիք մըն է:

Իշխանութիւն-ժողովուրդ կապերուն մէջ, իրարու նկատմամբ *վստահութիւնը* չափանիշ է համակեցութեան ու համախոհութեան:

Ուրեմն.

Ուր չկայ վստահութիւն, հոն կը տիրէ ապակայունութիւն:

Ուր կը բացակայի վստահութիւնը, հոն կ'իշխէ հակամարտութիւն:

Աշխարհի պատերազմները, յեղափոխութիւնները կամ յեղաշրջումները առաջացած են (եւ կը ծագին) *վստահութեան* պակասէն, ոչ միայն իրարու նկատմամբ անհանդուրժողութենէն, այլեւ՝ եւ գլխաւորաբար, իրարու դէմ գոյացած թշնամութենէն:

Պատմական հոլովոյթները վկայ, բոլոր տեսակի իրադարձութիւններն ու տեղաշարժերը, որոնք կը դրսեւորուին ներքին թէ արտաքին ճակատներու վրայ, պատճառելով աղէտներ ու պատուհասներ, մարդկային զոհեր, ակերներ ու բնաջնջումներ, «մեղք»ը պետք է փնտռել կորսուած, անտեսուած կամ շահագործուած *վստահութեան* մօտ:

Դժբախտաբար, *վստահութիւնը*, այս օրերուն, շատ ակելիով հեռացած է մարդկութենէն

Թէ ընկերութենէն, խորթացած է իր եութենէն ու բովանդակութենէն, որովհետեւ *չարութիւնը, բրտութիւնը, ոխակալութիւնը, բռնութիւնը եւ ատելութիւնը* այլընտրանք չեն ձգեր, բացի զիրար յօշոտելէ ու բզբտելէ, ոչնչացնելէ եւ այլափոխելէ:

Եթէ ասոնք են տրամադրութիւնները իրարու նկատմամբ կամ դեմ, ուր վստահութիւնը լիովին ոտնակոխուած է, ապա, պարզ է, չարագործները ու չարագործութիւնը միշտ «պատրաստ» վիճակի մէջ են:

\*\*\*\*\*

Պատմութիւնը շատ չգրգռելու համար, մտաբերենք Արաբական աշխարհի մէջ ծագած «արաբական գարուն»ներու գործողութիւնները, երբ բռնապետներ զգետնուեցան, տապալեցան ու տեղահանուեցան, *իրենց* ժողովուրդէն: Ինչո՞ւ, որովհետեւ անոնք՝

- Շահագործած էին իրենց իշխանութիւնները
- Արիւնաքամած՝ իրենց ժողովուրդը
- Կողոպտած՝ իրենց երկիրը
- Բռնաբարած՝ իրենց հայրենիքը
- Վարկաբեկած՝ իրենց դիրքերը

Ինչո՞ւ այս բոլորը տեղի ունեցան:

Միթէ պարզ չէ՞.

Վստահութեան չգոյութիւնն էր պատճառը:

Ա՛յն վստահութիւնը, որ ժողովուրդը կորսնցուցած էր իր պետական անազանիին հանդէպ:

Ա՛յն վստահութիւնը, որուն այնքան այրող կարիքը ուներ ժողովուրդը:

Ա՛յն վստահութիւնը, որ ժողովուրդին համար սրբութեան համագոր իրականութիւն էր:

Ա՛յն վստահութիւնը, որուն միջոցով տուեալ երկիր մը կրնար իր գոյութիւնը պահել:

Այո՛, անկասկած, ժողովուրդները կորսնցուցած էին իրենց հաւատքը իրենց ղեկավարներուն եւ իշխանաւորներուն նկատմամբ, որոնք կեղեքած էին թէ՛ զիրենք, թէ՛ երկիրը, դառնալով միահեծան բռնակալներ, արիւնարբուներ:

\*\*\*\*\*

Չկարծել թէ՛ *վստահութիւն*-հասկացողութիւն կայ Լիբանանի եւ Հայաստանի մէջ, ընդհակառակը, ուժգնօրէն բացակայ է ան, մեծապէս վնասելով այդ երկիրներու բարօրութեանց ու ժողովուրդներու բարեկեցիկութեանց: Վստահութեան անհետացումն

Է, որ երկու երկիրներու երիտասարդները կը լքեն իրենց հայրենիքը, կը չունեն այլուր, մեծ մասը՝ անվերադարձ: Լիբանանի մէջ, ուր *փտածութիւնը* համատարած է, դառնալով «տիրական իշխանութիւն», ոչ մէկ ձեռով կը սանձուի, կը զսպուի, կ'արգելակուի, ակելի եւս խորանալով ու տարածուելով:

Ամենէն փոքր ու համեստ հաստատութենէն մինչեւ մեծագոյնն ու պատասխանատուն, փտած ու նեխած են միանգամայն: Կաշառքը «սովորական» սովորութիւն մըն է, «բնական» արհեստավարժութիւն:

Փորձեցէք պաշտօնական հիմնարկէ մը ներս որեւէ գործողութեան կամ ձեւակերպութեան ձեռնարկել. դժոխքի հետ գործ ունենալը շատ ակելի... հաճելի ու պատուաբեր պիտի ըլլար:

Իսկ եթէ պատահի որ տուեալ թղթածրարը կը կարօտի «լուրջ» աշխատանքի կամ «սրբագրութեան», կը նշանակէ թէ՛ «վերջոյ կու գայ», թէ՛ ֆիզիքապէս, թէ՛ հոգեպէս, թէ՛ նիւթապէս, տարիներու վրայ ձգձգուելով ու քսակոյ ալ սպառելով:

Խօսի՞նք խորհրդարանական եւ կառավարական շրջանակներու մասին, որոնք համարեա ոչինչով օգտակար են ժողովուրդի կարիքներուն ու պահանջներուն: Պատկերը մեր դիմացն է: Ամիսներէ ի վեր, հրապարակները «ողողուած» են խայտաբղետ գործադուլներով ու դասադուլներով: Լուծում կա՞յ: Եղա՞ր: Պիտի ըլլա՞յ:

Շուտով նոր խորհրդարան կը ձեւաւորուի: Բան մը կրնա՞յ փոխուիլ:

Ի՞նչ անհեթեթ հարցում, պիտի մտածուի:

Ի՞նչ անիմաստ ակնկալութիւն, պիտի ըսուի:

Իսկ այս քառուք եւ *քառասկարերը* ինչի՞ կ'առաջնորդեն, եթէ ոչ ԱՆՎԱՏԱՀՈՒԹԵԱՆ, իսկ այս վերջինը՝ հիասթափութեան եւ արտագաղթի, որոնք անյագօրէն եւ անընդհատօրէն կը շարունակուին:

Ինչ կը վերաբերի Հայաստանին, ապա, *անվստահութիւնը* խելակորոյս սահմաններու հասած է: Արտահոսքի կամ հայաթափումի գլխաւոր պատճառը վստահութեան կորուստն է, ի սպա՞ռ կորուստը, որուն համար կը դիմուի... հայրենալքումի եւ հայրենափախուստի:

Շատ-շատեր, որոնք, կամայ թէ ակամայ, կը դիմեն արտահայաստանեան... արկածախնդրութեան, իրենց այս քայլը կը բացատրեն կամ կ'արդարացնեն ոչ թէ միայն տնտեսական տագնապով, գործազրկութեամբ ու թշուառութեամբ, այլ՝ գլխաւորապէս *իրենց վստահութիւնը կորսնցուցած ըլլալով իրենց իրերայաջորդ իշխանութիւններուն նկատմամբ* :

Այս անվստահութիւնը երկա՛ր պատմութիւն է, որ սկսած էր երեկ, շարունակելի՛ այսօր, իսկ վա՞ղը... Ժամանակն ու պայմանները կ'որոշեն անոր «ճակատագիր»ը:

Արձանագրելի է, որ անվստահութեան այս ահաւոր հիւանդութիւնը «բուժելու» համար, տակաւին «բուժող»ներ ու «բուժուող»ներ չեն գտնուած, հետեւաբար, անվստահութեան թափը կը շարունակուի, մէկ կողմէն՝ անվստահելիները պահելով, միւս կողմէն՝ վստահելիները հետզհետէ չեզոքացնելով եւ անշքացնելով:

Թերեւս, վստահութեան նկատմամբ շարունակուող եւ ընդարձակուող այս ժխտական հոգեբանութիւն-վերաբերմունքին պատճառով, այսօր, ընդդիմութիւն չկայ Հայաստանի մէջ, իսկ եթէ կայ, երկչոտ ներկայութիւն մըն է:

\*\*\*\*\*

Հայաստանի նորնտիր նախագահը՝ Պրն. Արմէն Սարգսեան, իր պաշտօնավարութեան առաջին իսկ օրէն՝ իր առջեւ պիտի գտնէ հսկայածաւալ ու հսկայակազմ թղթածրարներ, որոնց բարեկարգումը ու բարելաւումը պիտի կարօտին անմիջական ու կառուցողական ճիգերու:

Այդուհանդերձ, գերխնդիրը կը մնայ ԳԼԽԱԳԻՐ գերխնդիր.

- Վստահութիւնը պիտի վերականգնի՞
- Վստահութիւնը պիտի դրոշումի՞
- Վստահութիւնը պիտի փոխադարձուի՞
- Վստահութիւնը պիտի հաստատուի՞
- Վստահութիւնը պիտի ներշնչուի՞

Ասկէ ուրիշ հարցադրում մը. իշխանաւորներ՝

- Կ'ըմբռնե՞ն անվստահութեան բերած (ու բերելիք) վնասներուն տարողութիւնը
- Գիտակի՞ց են իրենց վարած գործելածեւերու ձախողութեանց
- Կը տեսնե՞ն իրենց նկատմամբ տածուած հակակրօնական հետեւանքները
- Համոզուա՞ծ են իրենց ստանձնած պատասխանատուութիւններու լրջութեան
- Արժանի՞ են գտնուելու իրենց դիրքերուն վրայ:

